



## LEIKMANNASAMNINGUR ÍHÍ

Félagið \_\_\_\_\_ kt. \_\_\_\_\_ - \_\_\_\_\_, hér eftir nefnt félag, og leikmaðurinn \_\_\_\_\_ kt. \_\_\_\_\_ - \_\_\_\_\_, hér eftir nefndur leikmaður, gera með sér eftirfarandi leikmannasamning, sem er staðfestur af Íshokkísambandi Íslands (ÍHÍ).

Samningur þessi gildir frá \_\_\_\_\_ til \_\_\_\_\_.

### 1. Skyldur leikmanns

- Leikmaður skuldbindur sig til að æfa og leika íshokki með félagi sínu á samningstímanum samkvæmt ákvörðunum stjórnar þess eða fulltrúa hennar (þjálfara), og taka þátt í sameiginlegum verkefnum leikmanna félagsins í samráði við stjórn þess. Öll forföll skal leikmaður tilkynna stjórn félagsins eða fulltrúa hennar (þjálfara).
- Leikmaður skal fylgja í einu og öllu þeim reglum, sem settar eru um undirbúning leikja, og nota þann útbúnað sem félagið fer fram á að verði notaður og reglur ÍHÍ kveða um. Leikmaður skal gæta þess að öll framkoma hans og talsmáti séu félaginu og íþróttinni sæmandi og til framdráttar jákvæðri ímynd íþróttarinnar.
- Leikmanni er óheimilt að gera sjálfstæðan auglýsingasamning án samráðs við stjórn félagsins.
- Leikmanni er óheimilt að æfa, keppa, þjálfra eða sýna íshokki á vegum annars aðila en félagsins á samningstímanum án leyfis stjórnar þess. Þó skal honum ævinlega heimil þátttaka í verkefnum á vegum ÍHÍ.
- Leikmaður getur ekki gert frekari kröfur á félagið en um getur í samningi þessum eða fylgiskjölum hans.
- Á samningstímanum, innan keppnistímabils, má leikmaður ekki, án leyfis stjórnar félagsins, ganga til samninga eða hafa samband, sjálfur eða einhver fyrir hans hönd, við önnur íslensk eða erlend íþróttafélög eða umboðsmenn þeirra. Viðræður við íslensk félög geta þó farið fram utan keppnistímabils, samkvæmt reglugerð ÍHÍ nr 10.9. Ef leikmaður hyggst gera samning við erlent félag skulu samningsviðræður fara fram í samráði við stjórn félagsins.

### 2. Skyldur félags

- Félagið skal leitast við að sjá leikmönnum fyrir sem bestri aðstöðu til æfinga og keppni.
- Félagið skal gæta þess að þjálfarar þess stundi starf sitt á þann hátt að það skili leikmönnum og félaginu sem mestum árangri.
- Félagið skal vísa leikmanni sem verður fyrir meiðslum við æfingar eða keppni á þess vegum eða ÍHÍ, til hæfs læknis eða sjúkraþjálfara. Félagið og ÍHÍ stendur almennt ekki að öðrum tryggingum en þeim sem almannatryggingakerfið býður uppá nema um annað sé sérstaklega samið.

### 3. Almenn ákvæði

- Báðir aðilar gangast undir að virða lög og reglugerðir ÍHÍ og félags í hvívetna. Ef ágreiningsefni koma upp um túlkun eða gildi samningsins skal reyna að leysa ágreininginn innan félagsins. Ef slíkt dugur ekki skal skristofa ÍHÍ leysa úr ágreiningi. Kröfur skulu vera skýrar og lagðar fram skriflega. Gæta skal jafnræðisreglu. Niðurstöðu skrifstofu ÍHÍ er hægt að skjóta til Aganefndar ÍHÍ. Úrskurður Aganefndar ÍHÍ er endanleg og bindandi fyrir báða aðila og er ekki áfrýjanleg til annarra dómstóla íþróttahreyfingarinnar.
- Aðilar geta hvenær sem er orðið sammála um að leysa hvorn annan frá samningi þessum. Upplýsingar um slíkt skulu strax sendar skrifstofu ÍHÍ.
- Varðandi önnur atriði er vísað í reglugerð ÍHÍ um félagaskipti. Eru ákvæði þeirrar reglugerðar skuldbindandi fyrir aðila samnings þessa og staðfesta aðilar það með undirskrift sinni. Breyti aðilar samningi þessum skulu slíkar breytingar tilkynntar til ÍHÍ.
- Annað sem aðilar vilja koma fram með má vera í fylgiskjali, svo sem æfingagjöld, hlunnindi, sektarákvæði og annað ítarefni.
- Samningur þessi skal sendur ÍHÍ til skráningar.



Samningur þessi er gerður í tveimur samhljóða jafngildum eintökum og heldur hvor aðili sínu eintaki.

\_\_\_\_\_  
Staður:                      Dags.:

\_\_\_\_\_  
Staður:                      Dags.:

\_\_\_\_\_  
Undirskrift leikmanns

\_\_\_\_\_  
Undirskrift félags

\_\_\_\_\_  
Staðfesting forráðamanns leikmanns

\_\_\_\_\_  
Kennitala